



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

38. Passionis Christi in se cruciatus experitur, Josephus Anchieta,
Cenarinus.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

AMATRIX CRUCIFIXI. 67

hujus vitæ scenam agam: rogo itaque
D. N. IESVM CHRISTVM Salvatorem
nostrum, de cujus preciosissimo SAN-
GVINE, & MORTE mihi salutem polli-
ceor, ut animæ meæ misereatur,

Confiteor atque protestor me esse Sa-
cerdotem Catholicum Sanctæ Romanæ
Ecclesiæ, & Religiosum de SOCIETATE
IESV. Pro quibus in me beneficijs im-
morales gratias ac laudes reddo DEO
ac Domino meo. Tum CRUCE denuo
formatâ, sublatis in cælum oculis spiri-
tum suum DEO commendans, submoto
curru suspensus est. Anno M, D. XCV. die
tertio Martij.

*Annua Societ. IESV Provin. Rom. Miss. 1592.
Pitæus Catal. Scriptor. Angl. Arnold. Rayss. in
Hierogaz pag. 171. Benzon. lib. 1. cap. 9. Andreas
Eudemon. Apol. Garnet. cap. 6. Clarus Bonarsaus
Amphith. Honor. c. 4. Index Mart. S. 1. CVIII. B. S.*

VIII.

AMATOR CRUCIFIXI

*Passionis Christi in se cruciatus
experitur.*

IOSEPHVS ANCHIETA natione Cana-
rinus, seu, ex Insularum Fortunata-
rum unâ, cui nomen Tenerifa, Bra-
siliium Apostolus appellatus, & seculi
sui

38.

IOSEPHVS
ANCHIETA
Canarinus.

fui Thaumaturgus, scribitur participasse quattuor dotes, quas Adamus in statu Innocentiæ obtinuit. Nempe, Dominium in animantia: voluntatem rectam: Intellectum illuminatum: Corpus impassibile. De singulis admiranda sunt exempla. De quarta tamen meritò ambigitur.

Si quidem licet haud quaquam laboribus incredibilibus par fuisset mortale & passibile corpus, nisi divina vi firmaretur; cum inde à tirocinio per nimiam contentionem compagines illi ossium solutæ fuerint cum vitæ discrimine; exinde, per annos quatuor supra quadraginta continuatis itineribus malè per saxa, per cænum nudis incedens pedibus sit exercitus; divisus ex æquo diei noctisque spatijs ad precationem & ad laborem, quiete brevissimâ humi carptâ è duro ligno, vel fasce veprium capiti supposito:

Tantum tamen abfuit à vacuitate doloris (à quo vacuus omninò fuit Adamus Innocens) ut præter ea, quæ memorata sunt, à CHRISTO singularis gratiæ compos sit factus, ut PASSIONIS ipsius in se CRUCIATUS aliquando persenserit. O beneficium omnibus CRUCIFIXI Amatoribus optandum! Quod miramur in Anchieta, qui demum laboribus magis quàm annis confectus obiit in Vico Reri-

CVLTRIX CRVCIFIXI. 69

Reritiba, die ix. Iunij, Anno M.D.XCVII.
ætatis LXIV.

*Sebastianus Barretanus libris 4. de Vita An-
chieta. Imago primi seculi Societ. lib. 1. p. 167. lib.
5. cap. 5. p. 626. & alibi B.S.*

IX.

AMATOR CRVCIFIXI

*Optat esse Vir dolorum à plantâ pedis
ad verticem capitis, ut reipsa pro se
Virum dolorum, Christum in Cruce
exprimat.*

TALES fuerunt desiderio plurimi ex
Amatoribus CRVCIFIXI, pauciores
facto: inter quos meritò nominatur

39.
IOANNES
DE RIBE-
RA Indus.

IOANNES DE RIBERA Indus, licet
origine Hispanus, natus in Americæ
provincia, quæ Nova-Hispania dicitur.
Hic Societatem IESV ingressus, & in
eâ professus, post exantlatos in CHRISTI
Redemptoris causâ labores innumeros,
diuturno, eoque acerbissimo morbo
exercitus, & purgatus est.

*A planta pedis usque ad verticem capitis non
erat in eo sanitas; sed ulcus & plaga tumens,
scabies, & tubercula, tumoresque intrin-
seci, qui subinde animam illi ita inter-
cludebant, ut propè excluderent; co-
gebaturque mutato semper situ, quie-
ti aliquam partem quæritare, quam
nun-*